

乾

象

通

鑑

乾象通鑑卷第二十六

河間府免解進士臣李季奉

聖旨編

天市垣後論

宗正星論

宗人星論

宗星論

屠肆星論

帛度星論

車肆星論

市樓星論

宗正星論

宗正星統占

客星犯宗正星

彗孛犯宗正星

流星犯宗正星

雲氣犯宗正星

宗正星統占

傳曰宗正二星在帝座東南宗大夫也

武密曰宗正主司得失之官

陶隱居曰宗正星暗失色宗族有事

天文別錄曰宗正星明潤則天子親睦九族宗正星暗及變色則人君宗族不和白宗正有變

天文總占曰宗正星圻不相聯屬主宗族離散皇族不相保宗正失位之兆宗正星就聚則皇族盛疆

奪天子威宗正以事坐廢

古今星釋曰宗正星明大而有光芒則宗族不循禮
法一曰宗正有坐法

陳卓叙占曰宗正星暗色青黑者則王族不振一曰
天子宗族不彊盛

大象旁通曰宗正星明潤而黃色者則天子親親以
睦皇族彊盛本支不衰司宗者受寵命

客星犯宗正星

傳曰客星守宗正主更號令

武密曰客星守宗正改法更令又曰客星貫宗正人

君不親宗親又曰客星守之勤則天子親屬有變
客星守之貴人死

古今星釋曰客星如粉絮大如杯椀守宗正星則宗
族有憂一曰天子近親有死者

陳卓叙占曰客星乘守宗正星留舍五十日以上不
去者則皇族通外姦謀叛色赤黃不成色青白黑
謀成

大象旁通曰客星守宗正星則皇族惡之一曰後宮
有憂

彗孛犯宗正星

傳曰彗星守之若失色宗正有事

武密曰彗星守之若失色宗正有事又曰彗守干犯
宗正宗正有黜

古今星釋曰宗正星彗出則主司宗族者惡之一
曰宗正死

大象旁通曰彗星出天市尾掃宗正則司宗族者有
憂不然被黜若尾掃宗人星不見則宗正宗人有
陳以事坐法

陳卓叙占曰星守宗正旁則宗正以事逐遠方一曰
星守宗正旁主司宗者亡

夏氏微言曰宗正星中有彗出光芒若火炬出天市垣外則天子宗族失勢宗正失職

流星犯宗正星

天文別錄曰流星出天市抵宗正星則宗族盛司宗者難其官若色赤則宗正受寵皇族僭禮法若色白青黑則皇族無禮法人倫失序後宮多爭訟

天文總占曰流星出宗正中則天子遣親族出使一曰親族質外國

古今星釋曰流星出宗正色黃則皇族受天子寵色青白黑赤俱凶

陳卓叙占曰流星出天市外入抵觸宗正星則宗族不受天子制一日皇網不振王族有陰謀者

雲氣犯宗正星

天文別錄曰黃氣入宗正中則宗正受天子爵賞一曰宗正將兵黑雲氣入宗正則親族離散骨肉不相保

古今星釋曰白雲氣環繞入宗正中則人君授兵權于近族以兵事坐廢

宗人星論

宗人星統占

客星犯宗人星

彗孛犯宗人星

流星犯宗人星

雲氣犯宗人星

宗人星統占

傳曰宗人四星在宗正東主錄親踈享祀族人有序則如綺文而明動則天子親屬有變

古今星釋曰天子睦九族則宗人星如綺文而明若光浮而搖動則王族有變

大象旁通曰宗人四星在宗族中主錄親踈享祀天子親親以睦王族有序則宗人星明潤而色黃若變色而數搖動則親踈相踰尊卑失序一曰宗人有憂

陳卓叙占曰宗人星暗則天子親屬有憂一曰有內
變若宗人星坼則王族不盛若宗人星就聚則後
宮有陰謀若宗人星屈曲不如綺文則宗人死不
然坐廢

河圖遺書曰宗人星光浮而出怒角乍東乍西則宗
室彊捍不遵禮法有犯上謀若星移徙近帝星則
天子失威權

客星犯宗人星

傳曰客星守宗人星貴人死

武密曰客星色蒼白乘守宗人星不下則王族有驚

憂若色赤則宗族有變卑踰尊踈踰戚一曰以事坐廢

古今星釋曰客星如粉絮守宗人星留舍五十日不去者天子親屬有離心一曰王族通外姦謀不成坐廢

彗孛犯宗人星

天文別錄曰彗星出天市尾掃宗人星則宗室有匿謀一曰天子親屬有變

天文總占曰星孛宗人星旁則後宮有憂虞一曰有內變

古今星釋曰彗星本宗人星彗尾掃近帝星則宗族有陰謀謀及天子

流星犯宗人星

天文別錄曰流星入天市中抵觸宗人星則尊卑失序九姓不相親睦一曰後宮不承祀享

古今星釋曰流星出宗人旁直抵帝星旁則天子親屬以兵背叛

大象旁通曰流星抵觸宗人則天子不親睦宗族一曰宗屬造祲言謗天子

雲氣犯宗人星

天文別錄曰黃雲氣入宗人星則天子錄親屬遠近
等第錫賚有差若赤雲氣入宗人星則後宮有火
災若蒼白氣掩宗人星則後宮起兵宗族散亡若
黑氣入宗人星其殃尤甚

天文總占曰有黃赤氣相間入宗人星則王者裂土
分封親屬有青白氣入宗人星則天子以兵征叛

宗星論

宗星統占

客星犯宗星

彗孛犯宗星

流星犯宗星

雲氣犯宗星

宗星統占

傳曰宗星二星在候星東宗室之象帝輔血脉之臣也
陶隱居曰宗星去帝座稍遠主錄皇家親疎等級明
則族人有序暗則宗室弱

古今星釋曰宗星二星俱明有常則王者親屬有序
親親以睦星暗失常則宗室微弱皇綱不振

大象旁通曰宗星坼則帝死近親一曰後宮有喪宗
星亡一星則帝失親輔血脉之臣二星俱亡則王
者宗族離散骨肉不相保二星聚光芒相奄者則
王族盛彊不受制于天子一曰皇族跋扈則宗星

相掩

天文別錄曰宗星移徙近帝星則宗室有匿謀謀及天子欲傾覆宗社有篡奪之禍光芒相及則謀成光芒相遠則謀不成

客星犯宗星

傳曰客星守宗星則宗枝不和一曰親屬不睦

古今星釋曰客星抵宗星則王者親屬尊卑相踰不循禮法一曰本枝有變則流星觸宗星

大象旁通曰客星如粉絮入天市垣直抵宗星則宗室專傲以誣天子

陳卓叙占曰客星光芒四出星本若橫大乘守宗星
留五十日不出去者後宮有變亂事皇族不綱貴
臣坐廢

彗星犯宗星

武密曰彗星字星犯宗星宗人黜

天文別錄曰彗星本出宗星光芒掃帝星則宗室盛
彊跋扈無君專恣不逞有陰謀以及人君尾不掩
星則謀不成反以事敗坐誅尾掃掩星則有篡弑
之禍

古今星釋曰星字宗星側則宗族有憂懼事一曰皇

族惡之

大象旁通曰星孛宗星則宗人被黜甚則死一曰貴
臣薨

流星犯宗星

天文別錄曰流星抵觸宗星則宗族有彊捍不逞者
以事敗坐廢

古今星釋曰流星出宗星則色黃者天子遣宗屬出
使或曰入質外國若流星起宗星流自天市門出
色青白者則彊宗在外以兵叛天子

雲氣犯宗星

天文別錄曰有蒼白雲氣掩宗星者主宗室被甲冑
一曰後宮有兵若有黃雲氣起宗星下覆不散亦
不掩星則皇族受錫予若黑氣掩宗星則後宮有
陰謀

屠肆星論

屠肆星統占

客星犯屠肆星

彗孛犯屠肆星

流星犯屠肆星

雲氣犯屠肆星

屠肆星統占

傳曰屠肆二星在帛度北主屠宰烹殺占其星明大

則肆多宰殺微細則不然

天文別錄曰屠肆二星主宰殺事占曰星明大則多屠戮微明而細小則天下不事烹庖

古今星釋曰屠肆星坼則王者嗜口腹天厨多屠宰一曰人主恣殺則屠肆星坼屠肆二星就聚則屠宰出豪傑二星相近光芒相及則屠者處高位星明大光芒四出乍東乍西則屠宰有刺客以光芒所指命其國

客星犯屠肆星

天文別錄曰客星犯屠肆則庖人受爵賞一曰天子

恣烹殺則庖人受官

古今星釋曰客星抵觸屠肆星則庖者進毒殺人

彗字犯屠肆星

天文別錄曰彗星出天市尾掃屠肆則屠宰殺人以
事夷族若彗本在屠肆尾掃帝座則庖宰進毒食
于人君不掩星則謀不成

古今星釋曰星字屠肆星則天下多屠宰上下嗜烹
庖一曰烹庖太甚則星字屠肆中

流星犯屠肆星

天文別錄曰流星色蒼白自天市入抵屠肆則外國

進貢口味入國

古今星釋曰流星起屠肆星則流出天市外色黑則屠者受貴出刺外夷人君若星隆隆有聲則謀不成無聲則屠者利

雲氣犯屠肆星

天文別錄曰有蒼白氣入屠肆則天下多傷生命嗜飲食有黑雲氣入屠肆則國多恣殺有黃氣覆屠肆則屠宰受賞國多宰殺者雲氣亦然

帛度星

帛度星統占

客星犯帛度星

彗孛犯帛度星

流星犯帛度星

雲氣犯帛度星

帛度星統占

傳曰帛度二星在宗星東北主度量買賣平貨易者

占其星大則尺量平而商人不欺不然反是

武密曰帛度明大則商賈喜市吏公忠

天文別錄曰帛度星明潤而黃澤則市吏不急商賈

通行度量均平上下不欺星暗而微小則市吏急

歛重不公損下益上商賈道塞公私不通闕

闕

胡對切如無人之境

胡闕切

古今星釋曰帛度星坼則天下度量不平市多訟亡
一星則財貨不平易市吏聚歛不公二星俱亡則
闕市不通商賈不行

陳卓叙占曰帛度主度量財貨之象明大有芒角失
故常則商賈不入市若光浮而數動搖及移徙則
市吏不法重歛商旅刻剝市井而怨謗四起

客星犯帛度星

武密曰客星守帛度星絲帛大貴

陳卓叙占曰彗星出帛度中若光浮湧貴尺度不平
彗星本在帛度尾掃垣外則國財耗竭用度不足

天文別錄曰客星色蒼白守帛度則外國巨商入境
客星色黃潤抵觸帛度則商賈通行百貨平易國
富民裕

大象旁通曰客星大如杯枕入天市抵帛度則百貨
貴商人不入市

古今星釋曰客星色青白出芒角入天市帛度則寇
盜入市恣掠

彗孛犯帛度星

武密曰彗孛犯帛度絲帛大貴

陳卓叙占曰彗星出帛度中則絲帛湧貴尺度不平

彗星本在帛度尾掃垣外國財耗竭用度不足
大象旁通曰星字帛中則百貨貴市吏不公以欺商賈
古今星釋曰星字帛度掩二星不見者掩其陽則金
玉耗散掩其陰則絲帛不收

流星犯帛度星

天文別錄曰流星色蒼白抵帛度則市都交易多欺
弊市吏不法專恣刻剝流毒商賈音

天文總占曰流星色黃抵帛度則有珍貨入市一曰
市官公正不苦商賈國富民裕色若青黑俱凶

雲氣犯帛度星

天文別錄曰黑氣入帛度則闕

音闕

音會空虛奇貨不

至商賈不行一日市中起兵蒼白氣入帛度亦主

外兵雲入則兵入市都雲環繞不去則兵起市井

陳卓叙占曰黃氣入帛度則有珍貨至亦曰巨商入

都市中

車肆星論

車肆星統占

客星犯車肆星

彗孛犯車肆星

流星犯車肆星

雲氣犯車肆星

車肆星統占

傳曰車肆二星在天市門中主百貨賣物占其星不明則車蓋盡行明則吉

大象占曰市門左星內二星曰車肆主衆賈之區又曰車肆在市門之左主車駕曰占不見則車蓋盡行天文別錄曰車肆主貨賄所在商賈之區星明潤而黃澤則旅賈集都市百貨通行星暗而數動搖則商賈不通百貨湧貴國不利市

古今星釋曰車肆星在市門之左亦主車駕星明大則車轍輻輳以奔闐

音闐

音會

星暗則車蓋盡行

一曰車不繼軌

天文總占曰車肆星坼則市吏重斂剝逼甚商賈
不行官不利市

河圖遺書曰車肆一星亡則商賈不行百貨暴貴二
星俱亡則市吏不法以事坐罪者

客星犯車肆星

武密曰客星守車肆天下兵車盡發

天文別錄曰客星如粉絮抵觸車肆則車騎滿野天
下有兵

大象旁通曰客星入天市門左直抵車肆星守之不
去及五十日不下者市人親戎服

彗字犯車肆星

武密曰彗星守車肆天下兵盡發

天文別錄曰彗星掃車肆星則天下有兵柄所在者
勝若本在車肆尾掃帝座則車駕有虞

古今星釋曰彗星出天市外尾入掃車肆星則商賈
不行都市遷徙

大象旁通曰星字車肆則天子徙都市一曰闌闕無
人則星字車肆

流星犯車肆星

天文別錄曰流星入抵車肆則夷狄遣使車入境色

黃則吉或入貢色白青赤黑皆為姦使

古今星釋曰流星出天市車肆則天子遣使入外國
一曰流星出車肆則輶車出疆

雲氣犯車肆星

天文別錄曰黑雲氣入車肆則闕市有狂寇掠商賈
財賄又曰百貨不入市有黃氣入車肆則市吏公
忠百貨平易商賈通行有黑氣赤雲氣入車肆則
百貨湧貴

市樓星論

市樓星統占

客星犯市樓星

彗孛犯市樓星

流星犯市樓星

雲氣犯市樓星

市樓星統占

傳曰市樓六星在天市中箕星北闕閱律度制令
陶隱居曰市樓主闕閱之首令市曹官也

大象占曰市樓星明則吉暗則市吏不理又曰市樓
六星在箕宿之北俯臨名曰市樓市府也主市賈
律度其陽為金錢其陰為珠玉變見各以所主占之
天文別錄曰市樓六星三三相連箕北俯臨曰市樓
主闕閱法度制令一曰市都之官也星明則市貨

平星暗則商賈不行市吏急務不法以飲之六星
就聚則都市有奇貨六星坼及移徙不定則市吏
不法貨易不均下多怨百貨貴闕空虛

古今星釋曰市樓三星亡則律度制令不行市都六
星俱亡則市官欺弊以剝商賈闕市若無人之境

客星犯市樓星

陶隱居曰客星守市樓門闕多亂

天文別錄曰客星如杯椀大星守市樓五十日不下
則闕市兵起一曰市人非甲冑

天文總占曰客星如粉絮守市樓色蒼白則百貨貴

市吏急商賈不入闕闕

古今星釋曰客星入市樓中則有巨商入都市一曰
貴貨入闕闕中

大象旁通曰客星色赤守市樓中則闕闕有火災一
曰客星守市樓則百貨為灰燼

彗孛犯市樓星

天文別錄曰彗星出市樓中則市廛有兵一曰闕市
有急兵一曰狂寇市井

天文總占曰彗星本市樓中尾掃天市中帝座則府
庫空虛國用匱乏天子憂國計若本在垣外尾掃

市樓則天子徙都市商賈不通貨貴

大象旁通曰星孛市樓中則市吏不公律度無用市井有怨言財賄不入市若星孛于陽則金錢棄地無主若星孛于陰則珠玉如塵土

流星犯市樓星

天文別錄曰流星抵市樓則外國有巨商奇貨入境色黃則吉餘色俱凶

大象旁通曰流星入抵觸市樓陽則金錢入市都抵觸其陰則珠玉入井市流星起市樓出天市外則金錢珠玉各以其所出之方命其國

大象占曰流星如斗器大起天市中市樓旁則為外
兵流星起市垣外入市樓中為百貨餘各以其色
占之

後漢孝明帝 平元年四月丁酉流星大如斗起天
市垣市樓西南行光照地流星為外兵西南行為
西南夷是時益州發兵擊姑復蠻夷大牟替咸陵
斬首傳諸洛陽

雲氣犯市樓星

天文別錄曰有黑氣入市樓中則闕闕兵起流通
衝有蒼白氣入市樓則市井衣甲冑一日市人親

戎服若有赤氣入市樓中則百貨湧貴市吏不公
若黃雲氣入市樓中則奇貨金玉珠帛併入都市
一曰國富民裕則黃氣覆市樓

乾象通鑑卷第二十六

乾象通鑑卷第二十七

河間府免解進士臣李李奉

聖旨編

列舍角宿前論

角宿統占

角宿所主分野度数

角宿所管星

日蝕宿角

日暈角宿

月蝕角宿

月暈角宿

月犯角宿

角宿

傳曰角二星爲

間天門也其內天庭也故黃

道經其中

行也左角爲天田爲理主刑

其南爲太陽

爲將主兵其北爲太陰道蓋

天之三門猶房之四表其星明大王道太平賢者在朝動搖移徙王者行

天文錄曰角爲三光軌道順從則吉迂僻抵觸則凶
却萌曰角星明大賢者在朝庭又曰左角亦明獄平
黃帝曰角微小不明則王道失

荊州占曰左右角搖動非其常人主有憂

天官書曰蒼帝行德天門爲開

陶隱居曰角壽星也南左角名天津北右角爲天門

角中爲天關角星明大天下太平暗及芒角動搖王者失政

古今星釋曰角宿三星其間爲日月五星經行之常道也其星明潤而光澤主天子以德化治天下王道平朝廷治星圻不相繼屬主王道弛壞星就聚則五星不循道天下多災災變星暗王道失星亡則天下大亂

大象旁通曰左右角星光浮而數動搖者人主有大憂一日王者星移徙不居其常主王者移

都亦曰天

關故天官書所謂左右角中

爲天闕者是

一行游儀後論

角明而色赤黃主兵後刑措

天下大治若星明而色白主王者不脩文德以覲
武也

京房外傳曰左右角二星相迫是謂天門閉主天子
淫荒弛政天下不治一日天門閉國政廢

角宿度數分野

角二星十二度距南星去極九十七度在赤道外六

度舊曆曰角距南星去極九十一度

唐一行測角距南星去極九十三度半

天文書曰角星所主鄭充東郡山陽泰山外國伽密
夜市迦陵并九小國

角宿所管星

平道星在角中央東西斜列其東星入角三度天田
星在角北其東星入角四度

周鼎星其西南入角五度

右攝提三星北大星入角五度

天門星其東星入角一度

平星其東星入 度

庫樓星南星入 度

五柱星三三

樓中均在角南入角五度

衡星其西北星

度

陽門星其西星入角一度

南門星其東星入角五度

天牀星其西北星入角二度

帝席星在角北其西南入角一十二度

折威星其西南星入角一十二度

日蝕角宿

天文錄曰日蝕在角戒之於始田耕之臣也

天文總論曰日蝕角主鬪將吏田耕臣有憂

晉書天文志曰日在角蝕淺者禍淺蝕深者禍深角
爲天門王者惡之

武密曰日在角蝕至尊憂

陶隱居曰日蝕角其邦不實

大象旁通曰日蝕左右角在甲乙日人君憂歲敵在
丙丁日天子政令不行彊臣奪柄在戊己日王者
興上功在庚辛日天子尚武亦曰王者自將兵在
壬癸日臣下有逆謀

一行游儀後論曰

左角有黑雲奄覆王國有大

喪日蝕右角

氣相奄王國有女喪日蝕天

門中天子惡

夏氏微言曰日

角幾既主人君不安宗社危

京房外傳曰日蝕角人主不安角天廷也日有蝕之
故人君不安宮庭

古今星釋曰日蝕角幾既其下國亡一曰人主惡之
若蝕不在朔或二日及晦日其國大喪亦曰有更主
廣古今占曰日蝕角宿中宮門當閉一曰防內變又
曰鄭有死君

星傳曰角鄭分野角中天門天子不宜出宮以防內亂
陳卓叙占曰正月甲乙朔日有蝕之在左右角主人

君有大憂一曰有內憂若四月丙丁朔日有蝕之
在左右角人君死一曰國亡故止月歲始也四月
正陽也二者日蝕在角人君惡之

後漢順帝陽嘉四年閏月丁亥朔日有蝕蝕在角五
度史官不見零陵以聞

相帝永興二年九月丁卯日有蝕蝕在角五度角鄭
分也十一月泰山盜賊群起劫殺長吏泰山於天

文屬鄭

晉升平四年八

朔日有蝕之幾既在角占曰

為天門人主

年帝崩

唐長慶二年六

朔日有蝕之在角十二度

則天長壽二年

亥朔日有蝕之在角十度角

內為天庭

唐長安二年九月丁丑朔日有蝕之幾既在角初度

占曰君不安日暈角宿

天文總論曰日暈角主憂主內有陰謀君以赦除之

又曰其國用兵得地

陶隱居曰日暈角王者大赦

大象旁通曰日暈左右角再重內赤外青白者其下

用兵一日有急兵日暈三重內蒼白外青赤其國

歲穢糴貴

古今通占曰日暈左右角五重青赤白黃內外相間
中有黑氣摩日往來出沒天子惡之一曰宮禁有
陰謀若中外有黑氣雲奄覆者天子有大赦期八

十日

一行游儀後論曰日暈在角復有白暈環貫者左將
軍有殃日暈右角復有白暈環貫者右將軍不利
若左右角俱暈在中亦有白暈重貫之者其下人
君惡之不有
有屠城

廣古今占曰

角及七重復有白虹貫之者

其下有亡

七重傍有兩珥中有黑氣奄

日者無兵兵起

先起者勝

陳卓叙占曰左右角有黃暈三重中有黃赤氣上下
奄覆主人君賜赦國有喜慶事若黃暈不閉口期
百二十日有納土者

京房外傳曰左右角有青暈內亦黃及丹重者其國
進女樂者中有黑氣奄覆人君淫荒不親政事

月蝕角宿

天文總論曰月蝕角大臣憂獄事

武密日月在角蝕法官憂黜

陶隱居曰月蝕角有臣爲亂一曰其邦不實

陳卓叙占曰月蝕在左右角其國執法者有憂一曰
執法者以失職被斥逐若蝕近左角則左輔有殃
蝕近右角右弼被黜月臣象也月在角蝕之故臣
下有憂

古今通占曰在角蝕我既主讒臣在旁賢相死若兩
軍相當月蝕既在左右角先舉者死大將一曰主
將惡之

廣古今占日月 在甲乙日大臣有憂丙丁日其
國有內變 日在臣憂獄事出兵則不利

主將一曰

在庚辛日有急兵非賊而盜

也在壬癸日

匿謀一曰其國大水

大象旁通曰月蝕左右角非其月其國篡弑之禍一
曰國將失祚則月蝕非其月角天廷也故主國失
祚也

一行游儀後論曰月蝕在角主國有大憂若黑雲氣
相奄覆主宰相不死即逐

月暈角宿

天文別錄曰月暈在角有角蟲死其分士卒有兵兵
罷後百日起先者勝暈右角右將軍有殃暈左

角左將軍有缺

天文總論日月暈角有水災色黃者吉當有德令若
二月月暈角五月有大赦

石申日月入天門及兩角間而暈三重兵起天下道
絕將失利兵亡

海中占日月暈角民饑

却萌日月暈角多風雨又日以正月暈角公子死正
月戊己暈左右角有喪

廣古今占日月暈 右角有黃雲相奄主天子有

德令若暈

或中有黃氣者其國得土

大象旁通日月

角在正月甲乙日期五日內

有暴雨不爾

正月丙丁日歲大旱赤地干

里在正月戊己日國多土功下民勞怨在正月庚辛日有兵罷無兵兵起一日不利先舉大將在正月壬癸日歲多大水糴貴民饑

陳卓叙占曰兩軍相當月暈左右角中有黑氣相奄覆先戰者將軍死之

京房外傳曰月暈左右角色白者天子自將兵一曰內有亂色黃者其國有喜慶事

古今通占日月暈左右角春甲乙其野有兵喪人

當之夏丙丁日女主于朝政秋庚秋日主人君憂
兵一日國有內變冬壬癸日其國水大災毀城邑
泛人民歲歉人饑四季戊己日其國興大役下民
勞怨

月犯角宿

天文別錄曰月犯角大人惡之犯左角則大臣誅死
犯右角則有兵

天文總論曰月犯左角大戰犯右角胡王憂天下雨
武密日月犯左角 行爲出天門中道則百姓安
寧歲義無兵

陶隱居曰月

為早在陰為水

河圖帝覽嬉曰

月三年國君死若月乘左角

法官誅乘右角兵起

荊州占日月出左角南三尺多獄以至于文氏子明

盛又曰乘右角將相有坐法者

却萌曰月乘左角為旱右角為水

洪範傳曰月蝕熒惑在角亢憂在宮中非賊而盜也

一曰相死讒臣在傍

李淳風曰月犯角大人有憂有獄事

武密曰若兩軍相當月犯在左角大人有憂有獄事

若犯右角戰則將軍死之

大象旁通日月犯左角抵觸右角人主有憂國內亂
一日天庭有急兵

古今通占日月奄左右角不見天子不安宮庭一日
朝廷有陰謀大臣又曰下犯上臣逆君之象也

陳卓叙占日月抵左右角光芒相及其國有死君一
日有亂君

廣古今占日月乘左右角星奪奄者其國有兵喪若
兩軍相當月乘 角不下者戰則不利主將

帝房外傳曰月

奄星不見則賢臣誅奸佞在

君側若犯

不見則忠臣受戮政事急下

民勞怨一曰國

將亡則月奄左右角星俱不見

魏齊王止始七年丁丑月犯左角占曰天下有兵將

軍死嘉平元年宣帝奏誅曹爽等

晉永寧元年九月丁未月犯左角占曰人主憂一曰

左將軍死天下有兵四年初齊王固定京都因留

輔政遂專傲無君長沙王又討之兵敗夷滅

晉穆帝永和六年七月壬寅月始出西方犯左角占

曰左將死有兵其年司徒蔡謨免爲庶人

晉孝武太元元年十一月己未月奄左角占曰天下

有兵一日國有憂四年二月符堅使其子丕攻陷襄陽執南中郎將朱序又陷順陽四月符堅將軍章鍾陷魏興太守吉挹死之

晉義熙二年五月癸未月犯左角占曰將軍死天下有兵三年五月癸未月犯左角四年三月左僕射北安國卒五年劉裕討慕容超滅之

乾象通鑑卷第二十七

乾象通鑑卷第二十八

河間府免解進士李季奉

聖旨編

列舍角宿後論

歲星犯角宿

熒惑犯角宿

鎮星犯角宿

太白犯角宿

辰星犯角宿

客犯星角宿

彗星犯角宿

孛星犯角宿

流星犯角宿

雲氣犯角宿

歲星犯角星

天文別錄曰歲

天文總論曰歲星守角間五穀熟成一日大赦

武密曰歲星犯乘守左角七日已上天下大赦守右

角賢士用期七十日

海中占曰歲星逆行左右角為旱

孝經右祕曰木犯角天下大病

却萌曰木蝕角女子多死乘右角為兵將相坐法者

若守角政事急有千里之行處其北五穀不收若

逆行角其君出入不時

海中占曰歲星守角忠臣受戮

武密曰歲星犯守乘左角有大赦守右角賢士用
海中占曰歲星犯天田五穀不成又曰守角己南己
北宜黍稷

陶隱居曰歲星守角七日有故忠臣用

李佺曰歲星乘犯右角大將憂

古今星釋曰歲星犯左角天子有德令一曰有大赦
期五十日犯右角人君親賢士一曰進賢退不官
則歲乘右角

大象旁通曰歲星失度退逆犯左右角主天子有憂
若有芒角 不行臣下專政不自君出

張平子略例曰 不循執守左右角留五十日不

去者其國大憂一曰有急兵謀及宗社

河圖遺書曰歲星犯守角亢中行順主天子施德令
在下亦曰期五十日有大赦

陳卓叙占曰歲星失度凌犯左右角其國有暴兵起
亦曰天子政令不行若凌犯留五十日以上者天
子以亡德失國

宋廢帝元徽三年七月丙申歲星犯角占曰角爲天
天門國將有兵四年七月建平王景素據京及時
廢主凶虐無度 五年七月殞安成王入篡位後

六年禪齊

熒惑犯角宿

天文別錄曰熒惑犯角宿則有赦

天文總論曰熒惑犯角貴臣有憂若守左角有兵守右角有赦

陶隱居曰熒惑犯左右角左右群臣有謀不成伏誅守角宿相受誅繒帛貴

石申曰熒惑守角忠臣賢相受戮繒帛貴有戰伐宮中有盜賊若入角君道不通兵起若環繞鈞己者國內大饑君伏兵若犯角有戰守左角太

尉死守右角

不熟犯左右角左右群臣有謀

不成伏誅

石申曰熒惑入角中國君衰敗兵起犯左右角有佞
伐臣謀叛

文耀鉤曰熒惑與角合相死

甘德曰熒惑入左角有赦入右角兵起若守左角校
尉死廷尉有憂守右角將軍死太尉有憂若熒惑
入天門以去復反守之闕梁不通

黃帝曰熒惑居角成鉤已環繞有芒如鋒刃天子勿
出宮庭又曰熒惑守角出其南多病出其北多死

亡行右角中國有殃左角海國有殃又曰守角西
爲父母後爲妻前爲女子東爲己身

郝萌曰熒惑守角讒臣進政事急若熒惑舍天門出
復反之天下亂又曰熒惑起角刺如劍刃經角間
三十日而三由之人主無下殿無出宮廊廟之間
有伏兵一日熒惑過兩角南北多雨若留角其國
受殃

巫咸曰熒惑舍天門人主絕嗣

李佺曰熒惑犯左右角有兵

古今星釋曰熒惑 犯左右角中主朝廷有內憂亦

曰朝綱不振 來去成鈞已者天子失勢受制于

疆臣

大象旁通曰熒惑退行失度逆犯左右角其國有逆
臣謀叛伏誅若凌犯留五十日已上者大臣惡之

又曰宰相誣法

河圖遺書曰熒惑經天犯左右角主三光有非常之
變天子有憂朝廷有兵變又曰內庭有匿謀

一行游儀後論曰熒惑守左右角間積三十日不去
者其下有謀臣一曰有陰謀臣又曰朝廷有姦臣

在位

漢宣帝地節元年正月熒惑在角占曰憂在宮中非
賊而盜也有內亂讒臣在旁是時楚王延壽謀叛
自殺

晉孝武寧康三年正月熒惑在角形盛異常占曰熒
惑異其常諸侯亂是時慕容垂姚萇並阻兵事
太元十三年十二月熒惑在角形色猛盛占曰熒惑
失其常吏且乘其法諸侯亂其改是年慕容垂
遼姚萇符登慕容永並阻兵爭疆

鎮星犯角宿

天文錄曰鎮星

角大戰一曰有不臣者

天文總論曰鎮星犯右角將軍死守左角及天門者
國有真人出守右角人君好畋獵一日有水兵災
陶隱居曰鎮星守角內主有喜

陳卓叙占曰鎮星乘左角有旱乘右角將相有逆者
石申曰鎮星守角萬物不成

甘德曰鎮星守角皇后有喜

巫咸曰鎮星守角為水有兵災

海中占曰鎮星守角五穀多傷若守左右角其色潤

澤即歲熟

郝萌曰鎮星守角不明者少生子少子若逆行女主出入

不時又曰鎮星出天門中兵在外者罷

荊州占曰鎮星出入角留舍六十日天下多暴獄若
鎮星起右角之左角廷尉執

陶隱居曰鎮星守角內主有喜守六十日國有分爭
武容曰鎮星守右角天子好遊獵又曰鎮守兩角間
軍興國庭闕梁不通

李淳風曰鎮星守角爲水有兵災

李佺曰鎮星犯左角大戰將軍死守右角有兵

宋高祖武帝永初元年十月鎮星犯角占曰爲喪大
人惡之一日兵起三年五月宮車宴駕七月索頭

攻略青司 二州於是禁兵大出是後徐羨之尚
書令傅亮領軍謝晦等廢少帝內亂

太白犯角宿

天文錄曰太白犯左角大戰不勝將軍死又曰守犯
角道路不通守角色黃大臣蓋地色亦臣下欲篡者
天文總論曰太白守角一尺以上至六十日天子驕
溢貴人自將兵於野

黃帝曰太白乘左角群臣有謀不成以家坐罪又曰
太白入角天子自將兵於野民多疾疫若守右角
五穀不成歲大水

却萌曰太白守角三十日大赦若八角亢間有貴象
陶隱居曰太白守角天下有兵大戰國有怨爭若太
白與熒惑合守太白居後者破軍殺將

武密曰太白逆行左角間有刺客天子明慎之
李佺曰太白犯角大戰不勝將死

魏少帝嘉平五年六月戊午太白犯角占曰群臣有
謀不成正元元年正月鎮東將軍毋丘儉揚州刺
史文欽反兵俱敗誅死二月字豐及弟翼后父續
等謀亂事泄悉誅皇后張氏廢為庶人九月帝廢
齊王

晉惠帝永興元年七月庚申太白犯角占曰天下大
戰又大兵君憂於是兗豫為天下兵衝陳敏又亂
揚土劉元海石勒李雄等並起兵

晉穆帝永和五年九月戊戌太白犯角占為兵至八
月褚裒北征兵敗

辰星犯角宿

天文錄曰辰星乘右角將相若后家族有坐法死者
一曰憂水為兵為小戰辰星守角萬物不成王者
刑罰急若守左角為水右角為旱入角有善令

天文總論曰辰星久守角水流滂滂舟船相望守兩

角間闕梁不通

陶隱居曰辰星守角有水災

李淳風曰辰星守兩角間闕津不通軍興國庭違境
不寧

客星犯角宿

天文錄曰客星入角五穀傷有蟲蝗守角有賊臣佞
入大臣有亂者凶犯守大旱富民貧獄埋多冤大
赦右角小者兵國奴兵起不用逆守右角穀貴客
守兩角間赦期不出三十日守百日天下中隔不過
天文總論曰客星守左角色亦者旱五穀不登守右

角其下有大水灾

武密曰客星干犯西角白者兵起不戰邦有憂其色
赤戰所至必有破軍侵城期七十日或三年

陶隱居曰客星守角旱五穀焦風雨不調若客星入
兩角間色白者兵起國有大喪色黑者軍敗城陷
漢武帝後元元年六月戊戌夜客星居角東南指可
三尺色白占有姦人在宮庭至二年是時楚王延
壽反自殺明年霍光兄弟及九卿皆謀反並伏誅

彗星犯角宿

天文錄曰彗星干犯兩角間色白者軍起不戰邦有

憂其色赤戰所指必有破侵城期七十日或三年
天文總論曰彗星出角天下兵起

武密曰彗星入角長可六七尺有改易王

陶隱居曰彗星入角間色黑者軍敗城陷

韓揚曰彗星出角后黨恣外連禍

陳卓叙占曰彗星出角天子起王廷穀貴大賊入國
李淳風曰彗星出角改易王者暴兵起期三年

武密曰彗星出兩角間帝將易都

漢獻帝初平四年十月彗星出兩角東北行入天市

中城占曰彗星除天市天帝時徙帝將易都是時

上在長安後二年東遷明年七月至雒陽其八月
曹公迎上都許

魏齊王甘露二年十一月彗星見兩角間色白占曰
彗星見兩角間色白者軍起不戰邦有大喪至景
元元年高貴卿公爲成濟所害

字星犯角宿

武密曰字星干犯兩角間白者軍起不戰邦有憂
石申曰字星入角間色亦軍攻城陷

古今星釋曰星字于左右角間其下有急兵色黃白
者不戰人君有驚憂

大象旁通曰星字于左右角中共國君憂若兵色赤者不有破軍必有屠城

陳卓叙占曰星字于左右角間色青白有至角其下有更王

漢孝獻帝初平三年九月蚩尤旗見長十餘丈色白出角南占曰蚩尤旗見則王征伐四方其後丞相曹公征討天下且三十年

晉哀帝興寧元年八月有星字于角宿入天市占曰為兵喪三年正月皇后崩二月哀帝崩三月慕容恪攻後趙陽沈勁等戰死

晉孝武帝寧康二年正月丁巳有星孛于角占曰爲
兵喪至太元元年七月符堅破涼州虜張天錫

流星犯角宿

天文錄曰流星出兩角間天子之使也色白入兩角
間有諸侯客來者有口令色黃入兩間有貴客來
見君廟者

天文總論曰流星犯左角兵起吏有繫者赤以兵繫
色黃以土功色白以有憂色黑病色青憂繫流星
入兩角間天子遣使於諸國

武密曰流星抵角角不動臣欲亂而戮死

右中曰流星入角間則外國有使入中國

陶隱居曰流星出角間天子發使如外國流星從文宿入角間外國有使入中國

乙巳略例曰流星入角鄰國有使入賀出角則有大使出民安又曰角爲天門使星出入兩角間皆爲天子大使出入

雲氣犯角宿

天文錄曰黃氣直入兩角間天子祠神黃白氣潤澤入右角得地赤氣入左角有兵兵敗出右角國兵驚戰勝戰者憂將無功青氣入兩角間天子憂疾

祠祀即無咎也

天文總論曰有蒼雲氣入左角有兵兵敗出右角戰者憂將無功

武密曰黑氣入右角兵偏將敗白氣入左角戰不勝却萌曰有氣如劍月山兩角間天子疾病

李淳風曰有雲蒼色入左角有赦出右角兵戰

武密曰赤氣入角國驚有戰白氣入角戰鬪不勝